

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ŽEPČU
Broj: 044-0-SU-25-000252-1
Žepče, 30.07.2025. godine

PRAVILNIK O PRIJAVI KORUPCIJE

Član 1.

(Predmet pravilnika)

Ovim pravilnikom uređuju se pravila i postupci prijavljivanja sumnji na korupciju u okviru Općinskog suda u Žepču (u daljem tekstu suda), te način obrade i zaštite prijava. Cilj pravilnika je uspostaviti efikasan, transparentan i siguran sistem za prijavu nepravilnosti koji može doprinijeti otkrivanju i sprječavanju koruptivnih ponašanja.

Član 2.

(Osobe ovlaštene za pristup sigurnim kanalima)

Ovlaštene osobe za pristup sigurnim kanalima za prijavu korupcije su tehnički sekretar IKT službenik

Član 3.

(Način prijave korupcije)

Prijava sumnje na korupciju može se podnijeti putem:

1. E-mail adrese: opsud-zepce@pravosudje.ba, pristup ovoj adresi ima isključivo ovlaštene osobe imenovane u Članu 2.
2. Fizičkog sandučića za anonimne prijave:
Na vidnom i dostupnom mjestu u zgradi suda postavljen je sandučić za anonimne prijave korupcije. Pristup sandučiću ima isključivo osoba navedene u Članu 2.

Član 4.

(Pouzdanost kanala prijave)

E-mail adresa navedena u Članu 3., kao i fizički sandučić, smatraju se pouzdanim i legitimnim kanalima za prijavu korupcije. Prijave pristigle putem navedenih kanala tretirat će se kao službene i podlijezat će daljoj obradi, bez obzira na to da li su potpisane ili anonimne.

Član 5.

(Postupanje po prijavi)

1. Sve prijave se evidentiraju i dostavljaju predsjedniku suda ili ovlaštenom licu na uvid i daljnje postupanje.
2. Ukoliko postoje osnovi sumnje, pokrenut će se interna provjera ili će se prijava proslijediti nadležnim organima.
3. Prijave se razmatraju bez obzira na formu (anonimna, potpisana, digitalna ili pisana).

Član 6.

(Zaštita podnosioca prijave)

1. Identitet podnosioca prijave koji nije anoniman tretira se kao službena tajna i ne može se otkriti bez njegove pisane saglasnosti.
2. Uposlenik koji podnese prijavu korupcije ne može biti izložen disciplinskim mjerama, premještaju ili drugim oblikima represije zbog učinjene prijave, u skladu sa Zakonom o zaštiti lica koja prijavljuju korupciju.

Član 7.

(Nadležnost i nadzor)

Za sprovođenje ovog pravilnika nadležan je predsjednik suda, koji može imenovati jednu ili više osoba za obradu prijava.

Član 8.

(Stupanje na snagu)

Ovaj pravilnik stupa na snagu danom donošenja i objavljuje se na službenoj web stranici

Dostaviti:

- 1x Web stranica suda
- 1x a/a



Predsjednica suda
Dragica Dragičević